

408353

COSTANTIN SMANIOTTO

IL SPEZIÂR

TRÛC IN T'UN AT'



UDINE

Arti Grafiche Coop. Friulane

— 1925 —

STANDARD FORM NO. 100

RECEIVED

U. S. DEPARTMENT OF JUSTICE

Al è un pizzul scherz
c'al pò stai denànt o
daûr di qualchi lavo-
rùt quant c'al coventi.

E ciacàrn

EL SPIZIAR	UN CONTADÌN
UNE LATÀRIE	EL MIEDI
UN PÙAR OM	UNE CONTADINE
UN COMENDATOR	LA SO SIORE

A sin t' une buteghe di spiziâr e i aventôrs e' van
e vegin come par dutis lis speziariis di chest mont.

LATÀRIE

(Su la puarte a slunge une bozze).
Sior spiziâr, lu prei, 'o ài la ciàrie cà
di fûr...

SPIZIAR

Ce volèvie, Bertuline?

LATÀRIE

Un fregul di siròp di mane cun t'un
pôc di siròp di pichequane; e cà e jè
la bozze... Quant ch'i torni indaûr...

SPIZIAR

Va ben, che vadi pûr in plazze e

quant che tornarà indaûr 'e ciatarà
pront dut quant.

LATÀRIE

Riverît e gràzie!

SPIZIAR

(Al siare la puarte dut complimen-
tôs) Benedete! (In chel 'e jentre la so
sioire).

Ciò, Teresa, prepara questi do' si-
ropeti: mana e ipecacuana. (I dà la
bozze e jè e vâ a fâ il so fat).

O Dio, ce mistiràt c'al è diventât
ance el spiziâr. Cà dentri and è midj-
sinis par guarì qualunque mâl, ma 'la
int 'e mûr lostès. Partè mo? La int
'e volarès guarì senze dî me, vore-
sin lassami murì di fan e invesit 'e jè
sbagliade: cà bisugne colà, in spizia-
rie, se si à voe di là in pâs in paradîs.
Netâz il bultrîc... (sot vôs) lis sache-
tis... (eu la vôs di prime) si maree plui
lizêrs. (Un pûar om in chel al viarz
la puarte e dut plen di sudizion):

PUAR OM

Isal permitût?

SPIZIAR

Oh, al è cà... Avanti, avanti! C'al

vegni indenànt... e'al si còmudi! Ce volèvial?

PUAR OM

Savè a di cè ore che si podarès ciatà il sior dotôr Pitanze. Vorès fami fa une visitute.

SPIZIAR

Ce veso, ce veso bon om? E se l'ocôr no sojo cà ance jò?

PUAR OM

S'intindial ance lui?

SPIZIAR

Po', ciare vô, àjo studiât di bant? No vedeso là el diplome?

PUAR OM

Ah!!

SPIZIAR

S'al vès qualchidùn altri chel quadri là!...

PUAR OM

E son dôs setemanis che mi sint un grop sul stomit e no son sanz che al vueli lami jù. Ai fat un sfuarz a mòvimi di ciase.

SPIZIAR

Po' benedèt, vedè cà: jò apene uè
'o ài podût mòvimi dal jet. No sintîso
un pês cà, su la boce dal stomi?

PUAR OM

C'al mi bale...

SPIZIAR

No ise vere?

PUAR OM

E cà mi àn dât tre midisinis che, a
dì la veretât, a no mi àn fat nuje.

SPIZIAR

Ma 'e vês mandât, no sês vignût in
persone, e come volèso dà lis midisinis
senze viodi l'indivìduo?

PUAR OM

Ciò... si sà! C'al mi vîsiti alore...

SPIZIAR

Baste cialàus in muse... 'o vedarês
ce bàlsamo!

PUAR OM

Al devi sei nervôs, sentènzie me co-
mari.

SPIZIAR

Eh! nervôs! Po si capîs; nervôs sul

stomi e bisugne paralu jù. E... sintìn mo': veso vût ançe... I mai àn due' la lor cause prime... mi capiso?

PUAR OM

Al mī è capitât el mal dopo une lit eu la me fèmine: mi à jemplât di botis e ancemò 'o ai dovût tasè par no fà storis. Ma no ài podût glòtile che ràbie.

SPIZIAR

Pô fole e jè restadè cà... Eh, benedèt! Un pressapôc a mi è sucedude ançe a mè une stòrie di chel gènar. Dòme che no lis ài ciapadis. (E so siore): Eh, mostre de done, quando che volè aver rasòn se tant' diavoli. (Di gnûf al puar om): Ma al viodarà ce rimiedi miracolôs!

PUAR OM

E còstie ciare cheste specialitât?

SPIZIAR

Siet francs, bon om....

PUAR OM

Magari cent... baste e'al passi el mâl.

SPIZIAR

Tornait dopo di gustât e ciatarês dut prent. E' son dôs bozzis di preparà..... Numar un e numar doi... Prime si ciòl une sedòn dal numar un e po' subit daûr une di chè dal numar doi. Par caritât però, no stait a messedà la robe des dôs bozzis e'al podarès sclopà su dut.

PUAR OM

Alore il selòp al sussedarà te' panze?

SPIZIAR

Te panze, bon om, no'l sussedarà nuje; no stait vè pôre.

PUAR OM

Alore cussì... 'o torni dopo di misdi. Riverit, dotôr, e tantis gràziis. (Dut contènt al và, e il spiziâr, plui contènt di lui, lu compagne fin su la puarte).

SPIZIAR

Al viodarà ce bàlsamo!

(I fâs l'ordenazion de midisine e so siore): Teresa, dò botigliete de mezzo quinto l'una. In tute dò siropo e acqua: ne la prima te ghe metarà un

cuciarin de bicarbonato e ne l'altra un cuciarin de acido tartarico. Tre tichète par botiglia: « Veleno - a cucchiaini - numero uno e numero due ».

TERESA

Va ben (Ma in chel al jentre el comandatôr, e 'l spiziâr i côr incuintri plen di gràzie).

SPIZIAR

O comandatôr, i miei rispeti! Come stâla la sua signora? Ben? 'O ài gust, 'o ài propit gust. Mi meno vedo a vignir qua la gente e più piasèr ghe trovo.

COMENDATOR

El ghe xè capità arente un altro intrigo, povera dona.

SPIZIAR

Eh, diàul!

TERESA

Miga no malani?

COMENDATOR

Me tocarà de novo consultàr el medico.

SPIZIAR

Corpo dell'ua! El se còmodi, el se

còmodi. (Tarèsie i tire donge une ciadrèe). Nol pol far chel vegna. Ma ce dal diaul isal capitât di gnûf? La gera guarìa cussì ben!

COMENDATOR

Dolori, dolori teribili in una gamba.

SPIZIAR

Santo Dio! Ma sala, comandatôr, che la xe la volta dei dolori ne le gambe, che tuti i se lamenta. No ocore andâr lontàn; dighelo ti, Teresa.

TERESA

El me lassi stâr, comandatôr: cre devo de perder la gamba. I me xe capitai tic e tac da un giorno a l'altro.

COMENDATOR

Come a me mugèr.

SPIZIAR

Me gero impensierò anca mi.

TERESA

De qua fin qua, salo; e dolori insopportabili.

COMENDATOR

E a me mugèr? No la pol sofrir gnanca un piumìn.

SPIZIAR

E me son dà le man atorno del momento. Pòdeva complicarse e, caso, go tirà fora un bàlsamo.

TERESA

No finirò mai de benedirlo.

SPIZIAR

E, come che'l vede, adesso la camina benissimo.

TERESA

Ciò, se capisse! I xe rimedi che i costa.

COMENDATOR

(Felis:) Che i costi quel che i costa. El me prepari el balsamo e prima de consultar el medico provemolo anche quel.

SPIZIAR

Mi stago ai so comandi.

COMENDATOR

Po càspita!

SPIZIAR

Un'oreta, comandatòr.

COMENDATOR

Mandarò la serva. El me diga invece el me dover.

SPIZIAR

Diese lire comandatôr.

COMENDATOR

(Al tire fûr il tacuìn e al pae). Ecco. Vêdelo che col parlar qualche volta se se trova. Arivederlo e grazie. (Al jentre un contadin e al si ferme donge la puarte).

SPIZIAR

Miei rispeti comandator e auguri. (El contadin nol spiete nance c'al saludi; al tache subit e si dirêz viars la siore dal spiziâr):

CONTADIN

Che mi dedi miez franc di mane càssie arbesene.

TERESA

Vedeit là il spiziâr.

SPIZIAR

(C'al à saludât il comandatôr) Ce volèviso?

CONTADIN

Miez franc di mane càssie arbesene santònico e sâl di canâl.

SPIZIAR

Par cui ise che purghe?

CONTADIN

Par me po', s'ôr; 'o mi sint cussi pesànte la vite...

SPIZIAR

Vedìn la lènghe? (e chel altri al fâs). Fûr fûr... Orpo di chel cian, ce lènghe! Ce volego che us fasi chel purgànt; ueli di rizzino, ueli di Rizzino.

CONTADIN

Jesusmarie! (e al fâs une boziate).

SPIZIAR

Tris po, si capìs: ma preparât come che lu prepâri jò nol pâr nance di bèvilu.

CONTADIN

No puès parâlu jù, no puès patîlu.

SPIZIAR

C'al mi scolti me. (E so sìore:) Teresa prepàreghe l'ojo e senza savôr. C'al si còmudi intànt.

CONTADIN

Ma... (al jentre il miedi).

SPIZIAR

Al viodarà mo! (e alore el contadìn si sinte e al sta a spietà). Sior dotôr riverîr!

MIEDI

Nissune domande?

SPIZIAR

Nissune. Cà e' crepin due' di salût. Nissùn al si in'male e i afàrs e' van mâl. Ma in malora la miseria! Cà, cà, un bicciarìn di chine.

MIEDI

'O ài ordenât un rinfuarzànt a Men Crôs: l'Ischirôgeno.

SPIZIAR

Ma lui, dotôr, le à fisse cù lis specialitâs.

MIEDI

Vuè, benedèt, el mont al còr cussì. Plui difizzil l'è il non e plui fàzzile la persuasion.

SPIZIAR

Ma la capirà! Cun chel mîsar « par-cènt... »!

MIEDI

Pazienza, caro. E' vivìn in tîmps ma-

landrès. Ben, 'o voi... e gràzie, sior Bòrtolo.

SPIZIAR

El se imagini! I miei rispeti, dotòr!
(Al va fûr e in chel 'e ientre une contadine).

CONTADINE

Servitór suo, sior spiziâr! 'O ài une rizète.

SPIZIAR

Vadìn. (leint:) « Colifosfomatògeno ». Fole, e cui le à ordenàde?

CONTADINE

Un specialist di Pàdue ca'l iere di passàz.

SPIZIAR

('E so fèmine:) Varda ti, Teresa, varda ti!

CONTADINE

E jè par une zovenùte che jè zale come une coce e che no i zove nissune midisine.

SPIZIAR

(Simpri ridìnt:) E cheste erodèso che i zovi? Ma, santo cielo, no savèso

che lis specialitâs e' van indenânt a
fuarze di 'tichetis e di reclàm?!

CONTADINE

Ma... dopo vè provât di dut...

TERESA

Eh, benedeta, se mì podessi parlâr...

SPIZIAR

Vedè là mîo fio! Chel al iere spelît
di dū? i miedis. Al è cumò blanc e
ròs come un milùz.

TERESA

Come une pavee al jere diventât.

SPIZIAR

L'è miôr tornà a l'antîghe, ciare me;
i vècios e jerin mestris e no le falavin
mai. Cun ce àjo guarît miò fî?

CONTADINE

Volèssial il Signôr che lui al podès
induvinale!

SPIZIAR

Dighelo ti, Teresa.

TERESA

Che mi erodi, siore, noaltris e' vin

provât -duc' i tormèns, ma la rizete
cà'l à ciatade miò marît e jè stade
une man di Diu.

SPIZIAR

Notà po' che cheste specialitàt nis-
sùn la ten... Bisugnarès fale vignì di
Milàn... intànt vês sorte!

CONTALINE

Se i à fat ben a so fì...

TERESA

Altri che ben! *

CONTADINE

Po ben, che me prepari anee a mi,
ma che i meti robis buinis dentri sâl.

SPIZIAR

Po' altro!

CONTADIN

'O soi guarît une volte di une dulie
cul gràs di marmote comprât sul mar-
ciât di san Laurinz a Udin.

CONTADINE

I crôt. A mi mè àn petade une volte.

SPIZIAR

(Al contadin):

Ma no, benedèt; son dutis ingianiziis
Sês guarît parcè che vevis di guarì. E
son duc' zarlatàns.

CONTADIN

Po' sì sì. A chei po nance iò no i
crôt.

TERESA

El xe pronto l'oiò. (El contadin al
si preparè).

SPIZIAR

Vegno. (E contadine): Che torni do-
màn di matine; 'e ciatarà dut pront.

CONTADINE

Riverîs!

SPIZIAR

Ariviòdile, siore. (Al contadin:) Oh
cumò 'o soi cà cun lui. (Al ciàpe la
tazze in man e i met dentri el polvar
che à preparât Teresa). Pronti, senze
pôre... (El contadin al fâs lis bociatîs)
Dame el cuciarìn, (lu mescede) svelti
se no al s'ciampe (al bêf.) Jù, jù!
Dà dô mente. C'al si sui la boce.

CONTADIN

Trôs bês?

SPIZIAR

Tre francs. No ise vere mo, che no
i à parût nance di bèvilu?

CONTADIN

(Al pae). Cà, mo.

No l'à savût di nuie, no ise vere?

CONTADIN

Al mi à savût di ram, sior spiziâr.

SPIZIAR

Eh benedèt! Di qualchi ciose bisu-
gne, pûr ca'l sepi...

CONTADIN

'O s'ciampi che mi par.....

TERESA

No no, par l'amôr di Dio, 'o ài freât
îr l'altri el pavimènt.

CONTADIN

'O lu saludi (al côr fûr).

SPIZIAR

Ca'l tegni dûr, ca'l tegni dûr! Ciò
Teresa và là, và là in cùsina, daghe.

un òcio al gènere che nol gavesse de brusarse. El xe quasi mezzogiorno.

TERESA

Vado. Le xe lì le tre bozzette ('e và.)

SPIZIAR

Va ben. La sarà qua a momenti. O... «lupus in fabulæ»! ('E jentre in chel chè de pichequane).

LATÀRIE

'O soi cà pe' pichequane.

SPIZIAR

È sole, e jè za pronte.

LATÀRIE

Tros bêt?

SPIZIAR

Doi francs e miez.

LATÀRIE

Orpo, ze ciare!

SPIZIAR

A trop veso vendût i bròcui, benedete.

LATÀRIE

Che! no jentrin, âl capît!

SPIZIAR

E se jò us disès che 'o piart su che-
ste midisine? Che non ciapi nance un
carantàn?

LATÀRIE

Tre cuciarîns di robe.

SPIZIAR

Prèait el Signòr di ciatàle vè, al è un
miracul.

LATÀRIE

Ben, ben, cà; ma un'altre volte la-
rai là di siòr Mòmolò ('e vâ fûr).

SPIZIAR

Sì, benedete, sì; ma po' 'e tornarà
cà di sigûr, quant che varà provât t'un
altri lûc. (Al vâ su la puarte ancc lui).
Che saludi la mame, sae, e che no ste-
di a sei triste, sae?! (Al torne dentri
e al si sinte parce ca'l è strac). Eh,
benedèz, ond'ài tantis intôr jò che se
ves di badài dovarès ciòlilis dutis lis
midisinis che son cà dentri. Mi clope
une giambe, mi zire el ciâf, 'o ài dure
la panze.

'O dovarès curàmi... ma quale àjo di cioli, s'and è tantis?

(Al ciale atôr). A dâ la veretât, 'o ài tante poce persuasiun...

Iò 'o ciati che une sole midisine a mi fâs propit ben: a jè chè che la me sioire 'e mene atôr là dentri in te cuisine. 'E jè une cure lente par boce, ma no ven mingò no a ciòlile cà dentri! La me Tarèsie e lasse che vignidis voaltris a cioli l'aghe e sucar e il polvar di modòn, e cun chei bêz e compre il ver rimiedi par jè e anee par me... senze rizete.

Saveo dulà che vâ a rifornisi?

No stai a fai la spie a qualehi miedi. In plazze dal polàm pes droghis sòlidis e là de « Buine Vît » per chês in liquit.

TERESA

(Lu clame par dentri). Bòrtolo, ghe semo.

SPIZIAR

No me fasso spetàr, prepara.

TERESA

La dindia la xe pronta.

SPIZIAR

Son con ti, cuore.

Seusa^{mi} alore se us lassi, 'o voi a
seomenzà la cure di ogni dì... (Al cia-
le l'orloi) e po' bisugne c'o siari: al è
misdì!

F'inìs.



